

8.9

Uerwiltliche war-
nung vnd trost
an die Kirchen
in Preussen.

Joachimus Wörlin D.

Roma. XII.

Nemet euch der heiligen notdurfft an.

Gedruckt zu Magdeburg durch
Michael Lotther.

1 5 5 5.

Handwritten text, mostly illegible due to fading and bleed-through from the reverse side of the page.

Handwritten text, mostly illegible due to fading and bleed-through from the reverse side of the page.

Handwritten text, mostly illegible due to fading and bleed-through from the reverse side of the page.

Handwritten text, mostly illegible due to fading and bleed-through from the reverse side of the page.

Pol. C. II. 921. all 3

E -

818 460

Meinen geliebten Herrn vnd
Freunden / allen frommen Christen / im
Landt zu Preussen / wüdsche ich Joachimus
Wörlein Gottes gnade sampt freidiger besten
digkeit / durch Krafft des heiligen
Geistes / in rechter geduldt vnd
hoffnung.

Es ist lieben Herrn vnd Freunde ein ge-
meines geschrey zu vns komen / als solten
alle sachen vnd irrungen bey euch gantz
lich nicht allein hingelegt / sondern auch ders
massen Christlich entrichtet sein / das die jeni-
gen so biss daher in gewlichen irthumen ge-
steckt / solten offentlich dieselben bekandt / vor-
dampt vñ widderruffen haben / Daraus denn
bey allen frommen Christen eine hertzliche
vberaus gewünschte freude vnd frolocken
entstanden / Als die wir vmb ewer Weil vnd
seelige wolfarth / aus Christlicher pflicht zum
allerhöhesten bekümmert seindt / vñ in vnserm
Gebet das bey dem frommen Gott / mit ernsto-
lichem seufftzen teglich suchen / das er dem lei-
digen Teuffel stewart / vnd euch bey reiner leh-
re mit allen gnaden erhalten wolle / Vnd habe
ich zwar selber solch gut geschrey / vnd gerucht
nicht gantzlich sollen vorachten / denn wiewol
ich weis / wie gar kümmerlichen das wil zu-
A ij gehen /

gehen / vnd das kein wordt in der gantzen
Bibel schwerlicher ist mit ernst vnd recht
schaffener Busse vber das hertz zubringen /
denn das kleine wörtlein peccau / Gleichwol
dieweil Christus saget / Es seindt des tages
zwölff stunde / so habe ichs mit andern erwar
ten sollen / was zu letzt der fromme Gott vnd
die zeit gebē wolte / Bis das ich denn nu aber
mals den gegeben abscheidt / bey euch bekom
men / vnd daraus vornommen / was in dem
vorgangenen Synodo auff die trewhertzi
ge beforderung / vnd ernstliches anhalten der
rechtschaffenen Diener Ihesu Christi vor
handelt ist / vnd findet sich leider aus dem al
len / das es mit frommer Leute hoffnung
noch nicht wil gleich zu treffen.

Dieweil sich denn die sachen abermals
vorweilen / vnd eines guten teils im selbigen
abschied auff künfftige eintrechtige declaration
den jenigen / bey denen mans suchen wil (Gott
weiss bey wem) vorschoben vnd auffgezogen
seindt / So habe ichs nicht kundt vnterlassen /
euch vnter des zutrösten / vnd darneben auch
meinen trewen radt dienstlich mitzuteilen /
vnd zweiffel nicht / Ich wil damit bey euch
nichts vorderben / denn ist ein ernst vnd
suchet man warhafftig mittel / vnd wege zu
rechtschaffener bekerung durch hertzliche
Busse vnd besserung / wolan so wirdt man
die

die annemen / sie kommen auch von wem sie
wollen / Solte aber der leidige Teuffel in bö
sen tückischen Leuten euch abermals auff
setzen vnd nerren. So weren wir wo wirs vor
schlieffen vnd zusehen / widerumme meister
lichen vnd fein betrogen / Nu feilet es vns dar
an / wir kunden niemandt ins hertz sehen /
weil wir sie aber kunden probieren / vnd den
noch eusserlich bey den fruchten den Harn
zimlicher mass erkennen.

So müssen wir solchen rath Christi nicht
vorachten / sondern zu danck von im annes
men / demselben demütig gehorsamen vnd vol
gen vnd schreckt vber die massen / das Exem
pel der lieben Peter die vor vns in der Kirchen
gewesen vnd mehr mit solcher sachen umb
gangen seindt / denn wir / bey denselben siehet
man / das die hendel nimmer mehr gefehr
licher vnd geschwinder gestanden / denn wenn
man die sachen zwischen den Ketzeri oder
Schwermern / vnd inen hat wollen vor
gleichen / denn dieweil die Ketzer öffentliche
Feinde waren / kundten sie niemandts schas
den / denn allein den vorleckeden meulern / die
der reinen lehr satt vnd vberdrüssig waren / des
nen Gott zur straffe krefftige irthume zu
schickete / wie Paulus saget / Aber wenn sie an
fiengen geschmeidig zu werden vnd mit der

armen Kirchen widerumb einerley rede zufü-
ren / da gieng es / wie Nazianzenus schreibet /
in tractatu de fide, Sicut gipsum aqua permixtum
lactis colorem mentitur, ita hic per uerisimilem
confessionem traditio inimica suggeritur, vnd baldt
hernacher wie ein tödtlicher tranck mit honig
vormischet / durch den süßen geschmack die
Leut betreuget vnd vmbbringet / also felt die
Geistliche giff mit süßen lieblichen Worten
den Zuhörern ins hertz / bis so lang es dieselbi-
gen beschmeist.

Das wir vns nu solcher hoher Leute Exem-
pel vnd der teglichen erfahrung zu vnser war-
nung vnd bestem gebrauchen / wirdt vns ja
niemand vordencken / denn allein die jenigen
die viel lieber sehen / das wir vns vnuorwarter
sache mit schönen Worten leichtfertiglich lies-
sen vordien / welchs wir nicht kunnen noch
wollen thun / Denn die hendel seindt zu gross /
belangen Gottes wort / do ein tittel (sage ich
abermals) mehr werdt ist denn keine Welt zu
ewigen zeiten bezalen kan / darzu betreffen sie
vnser aller Seelen heil vnd Seeligkeit / die
wissen wir wol / hat Christus nicht mit blinden
würffeln auff dem Schollerbanck gewun-
nen / wie leider Gott erbarmt / sonst mit grosser
leichtfertigkeit gemeiniglich on alle furcht /
vnd schew der mehrer teil itzundt damit han-
delt vnd vmbgeheth.

Zu dem so bin ich noch ewer alter schuldiger
von wegen der trew vnd dienst damit ich euch
vorwandt bin / als ewer alter Diener / deren
ich auch in meinem Gebedt gegen Gott nime
mer vorgessen wil / vnd solte mir derhalben
am hertzen wehe thun / wenn jr vnter einem
schein soltet jemmerlich vorfüret werden. Er
kenne mich auch derhalben vor andern schül
dig dieser sachen anzunemen / vnd so viel an
mir ist trewlich zu warnen / zweiffel nicht jr
vnd alle fromme Gottselige hertzen / werden
alles zum besten auffnemen.

So viel nu den vorlassenen Abscheidt be
langet / ist's gleichwol vmb eines Rocks wer
mer / denn zuuor / vnd das gefallen / das man
vnser lehre nicht mehr vordammet wie leider
vor dieser zeit geschehen ist / Sondern dieselbi
gen billichet vnd zulest / das die vorgebung
der Sünden / durch das vnschuldige bitter lei
den vnd sterben Ihesu Christi vns erworben /
des armen Sünders gerechtigkeit sey fur Got
tes gericht / so fern ers mit glauben annimpt /
Es wirdt auch dabey bekandt / das diese lehre
zeugnis habe / der heiligen Schrift / vnd also
nichts anders sey / denn die lebendige stimme
Gottes in dem heiligem Apostel vnd außers
weltem rüstzeug Paulo sonderlich zu den Rö
mern.

Solchs

Solchs ist war / vnd nemen wirs darumb
das es Gottes wort ist mit hertzlichen freu-
den an / dancken dem frommen Gott von
gantzem hertzen dafur / das er vns bisz daher
so gar gnediglich vnuorruckt dabey erhalten
hat / vnd das selige Liecht seines waren er-
kennntnis nicht gar hat bey vns erlossen /
vnd den Teuffel dasselbige lassen ausblasen /
Bitten aber hertzlich / Er wolt euch mit vns
hinfurder darinnen gnediglich bewaren / vnd
alle irrende arme hertzen widerbringen / das
nur sie aus dem schedtliche jrthumb gerissen /
in rechter warer erkennntnis der reinen lehr
mit einhelligem munde loben vnd preisen mü-
gen mit vns / den getrewen frommen Gott
vnd Vater vnsers lieben Erlösers vnd Hei-
lands Ihesu Christi / Amen.

Zu dem so ist auch das Gottes wort /
das die jenigen so nu dermassen vorsehet / vnd
gerechtfertiget seindt (ist beides eines) auch
sollen vornewert werden / jr leben nach allen
Gottes geboten vnd willen anzurichten /
welchs doch keines menschlichen vormügen
ist / darumb mus es durch den gnedigen from-
men Gott geschehen / nemlich durch den Va-
ter / Son / vnd heiligen Geist / welcher sich vns
zu eigen ergeben / vnser Erbe vnd gut ist / in
vns wonet mit alle dem das er ist / vnd vor-
mag vns

mag vns regieret / vnd anfehlet alhie frommer
zumachen / Bis er vns einmal in jenes
leben bringet / do er vns wirdt gantz vnd gar
rein machen / vnd in ewiger herrligkeit ewige
lich in vns leuchten.

Das man aber Dsiandri lehr hieher zu
der vornewerung ziehen vnd deudten wolte
dieselbige also mit vns zuuorgleichen / dafur
wollet jr euch hütten / als vor dem Teuffel
selbst / Denn das Dsiander keines wegese also
geleret / noch wolle gelehret haben / des seindt
die seinen aus seinen Büchern / aus ihren
Schrifften vnd Brieffen in irem gewissen vnd
hertzen offentlich vberfirt vnd vberwiesen /
was ist denn / das man one scham mit
greifflicher vnwarheit / die armē vnschuldige
hertzen / so bisdaber bey der einfeltigen er
kandten warheit trewlich geblieben seindt /
wil irre machen vnd vberreden / Man sol sich
vor Dsiandri lehr nicht schewen / Er habe
das geleret / das er doch nicht allein nicht ge
lehret / sondern mit grimmigem muth in vns
vordammet hat.

Denn das kan ja jedermenniglich in sei
nen Büchern lesen / das er den gehorsam Chri
sti / sein vnschuldiges leiden vnd sterben / mit
alle dem / das wir fur vnserere gerechtigkeit rüh
men / einen grewlichen abgott / Christum / den
wir also nach der Schrifft predigen einen ge
malten

B

malten Christum im reich des leidigen Teuffels gescholten / die Augspürgische Confession für eine schedliche conspiracion vnd bundtschuch vnser Kirchen für Teuffels Kirchen ausgeruffen hat / weil nu das am hellen lichten tag / lieber Gott / was kondten wir vns doch zu solchen Conciliatoribus gutes vnd trew vorsehen / die vns dennoch vberreden wollen / seine lehre sey nicht zu ordammen / auff das sie dieselbige bey ansehen / vor dem gemeinen einfeltigen hauffen erhalten / suchen sie aber das nicht / oder andere ire gelegenheit etc. was gehet sie den noth an / also offentlichen vor Gott vnd aller Welt die sachen zu drehen.

Sie rhümen ire grosse modestiam vnd liebe darinnen / Mügen sich aber damit putzen wie sie wollen / so ist es dennoch zumahl eine wunderliche liebe / die vmb eines Mannes willen der gantzen Christenheit auch dere die nach vns kommen werden / so jemmerlichen vorgisset / vns das schedtliche giefft zu eitel zucker aller welt wil einreden.

Wenn es solte die meinung haben / so wolt ich gar seuberlichen vnd fein des Papsts vnd Antichrists zu Rohm seine lehr mit der vnsern auch vergleichen / denn er leret ja so wol als wir / das Christus für vns gestorben sey / So leret

leret er auch wie wir / das wir darinnen haben
vergebung der Sünden / darzu / das es bey der
vergebung der Sünden nicht bleiben mus/
sondern auch die vornewerung volgen / das
die liebe durch den heiligen Geist in vnser
hertzen ausgegossen werde / vnd wir also rech
te gute Wercke thun / das leret nicht er allein /
sondern wir ja auch / Lieber was zanken vnd
hadern wir denn : wo bleiben die vnruigen
Leute / die viel vnd grosse Bücher geschrie
ben / den Papsst schendtlich vnd vbel darinnen
gehandelt / Aus dem nachmal so viel grausam
en jamers entstanden / grewlich gross bludt
vorgiessen erfolget ist / last doch sehen macht
friedt mit dem Papsst.

Ja sprichstu / der Papsst wil haben / die
liebe gehöre darzu / das sie sey die gerechtigkeit
darinnen wir gerechtfertiget werden / Ant
wordt / lieber ist es darumb vnrecht / dieweil
der Papsst damit leugnet vnd auffhebet das
nicht vorgebung der Sünden im bludt Chri
sti vnser Gerechtigkeit sey / warumb ist denn
Osiandri lehre auch nicht vnrecht / der do sa
get / wo man lehre / das vergabung der Sün
den vnser gerechtigkeit sey / das sey kelter
denn eiss / ja noch mehr / das leiden / sterben /
der gehorsam Christi vnd seine vnschuld sey
keine gerechtigkeit / vnd noch mehr / wer es in

B ij die

die gerechtigkeit beneben die Gottheit setze/
der mache einen Abgott daraus.

Vnd ob man sagen wolte / das were ja
vnrecht in diesem vorstandt / Man müste aber
Psiandrum verstehen / von der vornewerung/
darauff antworte ich abermals Das das Psi
anders meinung nicht sey noch sein wolle / das
ist droben aus seinen schrifften klerlich bewie
sen. Lieber was haben wir denn damit dem
Psiandro vnserm gewissen / oder der Kirchen
furtrefflichem nutz vnnnd rath geschaffen/
wenn wir das von im rhümen / das er nicht
hat noch haben wil / vnd daruber seine bücher
vnuordampt bleiben / vnd auff vnser nach
kommen volgen lassen / in dem vorstande / den
sie haben widder vns / vnnnd Gottes wort.
Denn das ist Gottes wort vnd vnser aller mei
nung / das vorgebung der Sünden durch vns
fers D^{er}ren Ihesu Christi bitter leiden vnd
sterben erworben / sey nicht allein vnser erlö
sung / sondern vnser gerechtigkeit / darwidder
aber Psiander alles sein schreiben vnd predi
gen mit gantzer macht vnd gewalt gerichtet
hat.

Darumb wirdt es sich mit solchen Conciliati
unculis nicht stillen lassen / vnd vorgebens sein /
das man den alten vntüchtigen peltz allein
mit newen lappen flicken vnnnd schmücken
wil /

wil/Es helt nicht/saget Christus/ vnd ist nur
vbel erger gemacht / wie auch die erfahrung
vnd der Kirchen Historien bezeugen / deren
ich eine die furnemeste alhie erzelen wil / das
mit ein jederman sehe/das mich kein Mensch
licher affect / wie Gott im Himmel weis / son
dern die geschwinde grosse gefahr vnser vnd
vnserer nachkommen / das zu schreiben bewe
gen / zweiffel auch nicht / ist's dem gegen teil
ein ernst vnd meinē sie den rechtschaffenen frie
de vnnnd einigkeit mit vns von hertzen / Sie
werden jnen selbst vnd vns dieses jammers
aus volgendem rath vnd Exempel gar baldt
abhelffen / welchs diesem vnserm handel
nicht vnehnlich ist / in Historia tripartita lib. 5.

Es waren die zwen rechtschaffnen Deubts
schelcke aus dē Arrianis vrsatius vñ Valens/
samt andern jren genossen in Concilio Sirmiēsi
zusammen kommen / vnnnd hatten alda eine
newe confession zugerichtet / welche nu vnter
andern die siebende war / wie es denn nach
mals biss auff die neunde kam / so gar voll
confession steckten die Leute / darinnen sie ire
sache auff das aller herrlichste hatten ge
schmücket / vnd ausgeputzet / das es nicht wol
möglich war / jren jrthumb darinnen zube
greiffen / in summa sie waren nu alle schon
vnd from / hatten kein wasser nie betrübet /

das auch der alte gute fromme Man vnd tref-
liche Bischoff Osius Cordubensis aus Hispani-
en dahin gedrungen vnd gezwungen / zuletzt
solcher confession sich vnterschreiben muste/
Solche confession wie sie noch vorhanden ist/
legten dieselben gesellen nachmals im Concilio
Ariminensi den frommen Vettern fur / in guter
tröstlicher hoffnung / dieweil sie sonst kein
rhue fur inen Kondten zu irem furnemen ha-
ben / Sie wolten sie damit stillen / das dieselbē
frommen Vetter diese confession mussten anneh-
mē vñ nu zum friede greiffen / vmb zweier oder
dreier wort willen / die elende Kirche nicht so
jemmerlich lassen zurissen werden / vnter des
wolten sie zugleich wol bleiben so gutt sie wa-
ren / vnd ire sache vnter dem schein des lieben
friedes one hinderung vnd einreden nach als
lem vermügen widder die frommen Vetter
fortsetzen / dieweil sie nu niemands ferner
dorfft straffen / denn sie waren ja vortragen/
redeten wie die frommen Vetter / lehreten wie
sie mit einerley Worten / gantz vñnd gar wie
itzundt in diesem vnserm handel.

Aber es halff sie nichts / sondern dieweil
die frommen Vetter sich des betrugs besorge-
ten vnd den Leuten so wenig als wir kundten
ins hertz sehen / wolan sagten sie zu dem ge-
genteil / So jr denn ja der meinung von hertze
mit

mit vns einig seidt / vnd es meinet wie irs redet / So vordammet den irthumb Arrij alhie offentlichen / wie nach gemeiner regel die Kirche auch andere schwermerey vordampt hat. Sintemal kundt vnd offenbar ist / durch die gantze Welt / das die lesterliche lehre Arrij den lehrmen vnd auffruhr in der Kirchen angerichtet hat / Aber sie wolten nicht / daraus auch die frommen Peter (deren wie Athanasius schreibet / Epistola ad Episcopos Aphricæ, in die zwey hundert gewesen / sehr feine Leute wie er sie rhümet / Vere puros seruos Dei & recte credentes) wol vornahmen / das es eitel triegererey war / Sonderten sich von inen vnd wolten irer keine gnade haben.

Es war aber auch vnter solchem geschmeißs Auxentius der vor dem heiligen Ambrosio zu Meilandt ist Bischoff gewesen / welcher so gar from war / das er auch nicht leiden wolt / das man in einen Arrianum solte nennen / ob ers wo! in derhaut dennoch war / legte sich hefftig widder den Hilarium derhalbē ein / wer do wil der sehe beide librū Hilarij widder den Auxentiū vnd desselbigen Vogels Epistolam baldt daran oder der es so weit nicht suchen wil / der neme den seligen Man Gottes / D. Lutherum in seinen Büchlein / von den Concilijs vnd Kirchen / Thomo. 7. deutsch fol. 522. vnd fort an / do er aus der gantzen Historien diese trewhertzige warnung

warnunge machet / das wir bey leib fürsichtig
seindt / vnd nicht leichtlich glauben den Kote
tengeistern / wenn sie sich gleich auch hoch
vnd tieff demütigen / wie auch Saul gethan /
Quia aliquando compunguntur & mali, Aber sie
halten hinder dem Berge / biss sie lufft vnd
raum kriegen / so gehen sie daher vñ thun doch
was sie zuuor in sin gebabt haben / das mich
schier nicht viel wundert (schreibt Lutherus
alda) warumb die Vetter so lange vnd strenge
Busse haben auffgelegt / den vorleugneten
Christen / Sie werdens erfahren haben / wie
falsch jr demut sey / vnd wie schwerlich sie mit
ernst / vnd von grundt des hertzen sich demü
tigen oder büssen / etc.

Darumb gibt er auch den rath mit den
Papisten schreiberlein / die sich nu auch stel
len / als wolten sie lehren den glauben vnd gu
te wercke / sich damit zuschmücken / vnd vns
zuuorunglimpffen / als hetten sie allwege also
geleret / vnd wir sie vnbillich eines andern be
schuldiget / (zegiet ferner an / worumb sie das
thun) auff das wenn sie mit solchen Schaffs
Kleidern sich hetten widerumb geputzt als
weren sie vns gantz gleich / iren Wolff mocht
ten fein widerumb in den Schaffstall brin
gen / denn es ist jr ernst nicht glauben vnd gute
werke zuleren / Sondern weil sie gleich wie
die

Arrianer/ire giffit vnd Wolfferey nicht anders
können erhalten / noch widder auffrichten/
denn durch solche Schaffskleider / vom glau-
ben vnd guten Wercken / schmücken vnd bers-
gen sie den Wolffsbalck / bis sie widder in den
Schaffstall kommen / Vnd gibt nu der from-
me getrewe Man guten rath / wie man der ge-
fahr sol abkommen / vnd spricht / Aber man
musste inen thun / wie sie den vnsern thun / vnd
sie heissen widder ruffen ire greuel / vnd dassel-
big thetlich beweisen mit ablegung aller
missbreuch / So widder den Glauben vnd gu-
te Wercke in iren Kirchen vnter irem Volck
regierten / damit man sie an iren fruchten
kennen konte. Sonst kan man den schlechten
worten vnd geberden / das ist / den Schaffs-
heuten nicht glauben. Also solt Arrius auch
wiederrufft haben / seinen irthumb bekenn-
et / vnd thetlich widder sich selbst gelehret
vnd gelebet haben / wie S. Augustinus widder
seine Manicherey / wie itzt viel thun / widder
ire Papisterey vnd Müncherey / vnter welchen
ich mich auch von Gottes gnaden kan rech-
nen / Aber sie wollen nicht geirret haben vnd
können Gott die ehre nicht geben / das sie es
bekennen / gleich wie die Arrianer auch wol-
ten ire lügen vortedit haben / vñ vom Concilio
nicht vorbannet geachtet sein.

E

Solch

Solch Exempel dieser Historien sollen wir wol mercken / sonderlich die so wir Prediger sein müssen / vnd die herde Christi zu weiden beuehl haben / das wir wol zusehen / oder gute Bischoffe sein / wie S. Petrus sagt 1. Pe. 5 (denn Episcopus oder Bischoff sein / heist wol zusehen / wacker sein / vleissig wachen) damit wir von dem Teuffel nicht vberleitet werden / Denn hie sehen wir / wie gar meisterlich er sich vordrehen kan / vorkleiden / vorstellen / das er viel schoner wirdt / weder die Engel des Liechtes / vnd falsche Bischoff heiliger seindt / weder die rechten Bischoff / vnd der Wolff frommer weder kein schaff / wir habē itzt nicht mit den groben schwarzen Poltern Papst Geistern aus der Schrift zuthun / Sie finden sich in die Schrift vnd vnser lehre / wollen vns gleich sein / vnd doch vns zureissen / Aber der heilige Geist muss hie helfen / vnd wir vleissig betten etc. Hactenus Lutherus.

Welchs alles ich aus dem Exempel dieser grossen Leute vnd irer lehre darumb allhie erzelet habe / damit jedermenniglich sehe / was mir auch in diesem handel den grawen machet. Man gehet wunderlich damit vmb / itzt hat Oslander nicht recht gelehret / Baldt wil man seine lehre nicht vordammen / sondern auff eine newe / sondere / wunderliche arth putzen vnd schmücken / Ja man drewet
noch

noch heute zu tage den frommen Pfarherrn/
die sich mit predigen widder das gegenteil hö-
ren lassen / mit executorial procession, sie damit
ernstlich zu vor folgē / vnd sol doch die execution
der Iudiciorū wider Osiandrū aufferkendtnis
der Kirchen zugewarten sein / welches alles
wie weit es von dem Exempel der Arrianer
droben / vnd wie ehnlich es der heiligen Peter
lehre sey / lasse ich nu richten alle die jenigē / die
nur gemeine vornunfft haben.

Aber aus dem allem ist nu liebe Herrn vñ
Freunde meine trewe warnung / Erstlich / das
ir bey der reinen lehre ernstlich bleibet / vnd
euch nach dem furbilde der heilsamen wort /
wie wir dieselben sonderlichen von vnserm
lieben Vater in Christo seeliger gedechtnus
D. Luthero aus der lehre Pauli aller Prophe-
ten vnd Apostel empfangen vnd gelehret ha-
ben vom Glauben vnd von der Liebe in Chri-
sto Ihesu trewlich haltet / vnd diesen guten
beylag bewaret / durch den heiligen Geist / der
in vns wonet 2. Thimo. 1.

Zu andern / wiewol vns ja keine gewünsch-
tere freude auff Erden widerfaren konte /
denn wenn die armen irrenden hertzen wider-
umb zum rechten erkendtnis kommen / vnd
sich von der finsternis zum seeligen Liecht der
warheit wolten wenden / Dieweil sie aber
C ij solchs

solchs wol konden fergeben / vnd demnach
nicht allein in finsternis bleiben / Sondern
auch vns oder ja andere mit sich hinein führen
vnd sturtzen (wie es denn warlich scheint/
dieweil sie noch irem irthumb nicht von her-
tzen feindt / viel weniger können dulden noch
leiden / das in andere vormüg ires auffgelegten
ampts antasten vnd straffen) So müssen wir/
wie Lutherus droben sagt / gute Bischoffe
sein / vnd wol zusehen / denn es gilt hie nicht
der liebe Sachen / sondern Gottes vnd des
Glaubens.

Wollen sich denn die Widerwertigen
nicht allein der reinen lehre halben mit vns
vergleichen / sondern auch iren irthumb vnd
Gotteslesterung vordammen / nicht allein mit
vns gut Christisch / sondern auch böß teufler-
lich sein / Luc. 11. Nicht allein mit vns die stim-
me Christi hören / Sondern auch die frembde
fliehen Joh. 10. Wolan so ist der friede schon
gemacht / vnd wollen wir sie mit grossen freu-
den widerumb auffnehmen / alles von hertzen
vorgeben / wo mit sie vns jemals beleidiget
haben.

Wollen sie aber das nicht thun / so müs-
gen sie es lassen / Vnd habet jr lieben Herrn
vnd Freunde / bereidt droben im Concilio Ari-
minensi der heiligen Peter vnd nachmals des
frommen Lutheri lehr / darbey wollet jr auch
bleiben /

bleibē / sie auch nicht hören / sondern wie euch
Christus befohlen Matthei 7. Ernstlich vor inē
hütten / vnd die sache dem lieben Gott befo-
len / denn hertzlich gern wolten wir / das sie
mit vns selig wurden. Das wir aber mit inen
solten zum Teuffel faren / das werden wir vns
niemandts lassen bereden / Vnd thue euch al-
lezumal hiemit dem getrewen frommen Gott
befelende / der wolle euch hertzlich trösten /
vnd bewaren in Christo Ihesu / den jr bissher
vnuerruckt geliebet / vnd bekandt ha-
bet / jm sey lob in ewigkeit /
Amen.

ERRATA.

A facie 5. linea 14. Vor vnd schrecktet. Lies. Vns
schrecktet.

A facie 6. Linea 28. Nach mehrer teil. Lies /
Dieser Welt.

Faint, illegible text, likely bleed-through from the reverse side of the page. The text is mirrored and difficult to decipher.

Faint, illegible text, likely bleed-through from the reverse side of the page. The text is mirrored and difficult to decipher.



